

inde Jenſu Cung & Mengcin regiones tranſit, Iquan mons duplex ad urbis Noto-lybicum, per cujus meditullium quaſi per portam tranſmiſſus IN fluvius devolvitur. Circa Hiang civitatem King montes ſunt, ex quibus cuprum effoditur, & ſcribunt ex eodem loco Hoangtium Imperatorem cuprum accepiſſe, ad instrumenta domeſtica ac militaria conficienda, quæ antiqua eſt fo-dinarum memoria.

Flumina.

Y amnis, cujus origo in montibus Luxi civitatis, Lo amnis nobilis, alique plures ignobiliores ſunt; at ad partem ortivam Jenſu civitatis lacus eſt æſtate frigidus, hyeme calidiſſimus. Eſt & Ping fons pulcherri-mus ad Auſtrum urbis, cui lapideum adſtru-xere pegma, ut melius ſpectari à curioſis poſſit.

Septima Urbs

N A N Y A N G.

Occupat nobiliſſima Nanyang urbs Yo fluminis occidentale latus; ſi quæ alia Sinarum, ingentem terrarum tra-ctum fertilitate rerumque omnium copia ac præſtantia inſignem: in eo tredecim ſunt civitates, 1 Nanyang, 2 Chinping, 3 Tang, 4 Pieyang, 5 Tungpe, 6 Nanchao, 7 Ten-go, 8 Nuihiang, 9 Sinye, 10 Chechuen, 11 Yuo, 12 Vuyang, 13 Ye. Tota undique regio montibus ac fluminibus clauſa eſt, ma-gni ad Sinici Imperii cuſtodiam momenti eſt, tanta enim alimentorum abundat co-pia, ut facile ingentibus etiam exercitibus de rebus neceſſariis providere poſſit. Yvus Imperator eam Jú Provinciæ adſcripſit, & Chang ſtellis ut ſubeſſet, ſtatuit. jam inde ab antiquis temporibus erat Hiaæ familiæ, priuſquam Imperium invaderet, proprium Regnum. Sub Cheva familia Xinpe vocata eſt, poſtmodum eam Çu reges occuparunt, deinde Han, hodiernum nomen à Cina ha-bet familia, Sunga & Tanga Voncheu di-xere. Eſt hæc urbs incolis admodum fre-quens, dives opum, producit recensita ſu-pra, & lapidem lazulum, genusque ſerpen-tis maculoſa pelle, albis cutis maculis diſtin-cta: hunc in amphora vini ſeu phiala mace-ratum contra paralyſim adhibent Sinenſes medici. pulcherrima ædificia multa nume-rat, & Heroibus dicata fana novem. Vixit hic etiam Rex è Taiminga familia, qui ur-bem nobilitavit.

*Mirus
ſerpens.*

Montes.

Ad urbis Boream partem mons eſt Yu,

in quo ſex ſuprà triginta reperiuntur ſtagna, circa Nuihiang incipit mons Taipe, qui ad Chechuen uſque pertingit, ibidem eſt Tien-chi mons, in quo aqua lacus cujuſdam mire morbis cardiacis medetur.

Yo ſive Pe fluvius, Pie amnis, Chi & *Flumina.* Hoai fluvii hunc tractum fœcundum red-dunt: ſed quod admirationem haud im-merito excitet, eſt Tan amnis, qui prope Nuihiang fluit, in quo rubri omnino repe-riuntur piſces, qui tantummodo ſub initium æſtatis apparent ac capiuntur, reliquo anni tempore deliteſcunt. Scribunt fabulantur-que Sinæ, horum piſcium ſanguine ſi uncti fuerint pedes, facile tum eſſe aquis inam-bulare, ſed harum rerum & ſimilium fides ſit penes auctores, ego hanc regionem co-ram non luſtravi, adeoque nil ita diſerte de ea poſſum affirmare: addunt præterea quod ſi tum aqua turbetur, piſces illos omnes quam primum ad aquæ ſuperficiem ascen-dere, reddereque ipſum fluvium totum ru-bicundum atque ignitum, inde illi Tan no-men, quod rubrum ſignificat.

Prope Teng civitatem parva eſt inſula Pehoa dicta, hoc eſt omnium florum, in qua palatium eſt animi relaxationi fabre-factum.

Prope Nuihiang fons aquæ eſt Sinis ad-modum pretioſæ, quod vitam longiorem homini præſtare credatur.

Octava Urbs

J U N I N G.

AD Co lacus ripam jacet hujus urbis regio, ab antecedenti procedendo verſus ortum: illam montes ad Bo-ream, ad Auſtrum Hoei fluvius claudit: pre-tioſam illam herbam à Sinis numquam ſatis laudatam indiesque uſurpatam Cha produ-cit, quam alibi deſcribo accuratius. Sub Yvo cum ſuperiori eandem naçta eſt Pro-vinciam ſub tribus potiffimum conſtellationi-bus pro variis territorii partibus, Kio nimi-rum, Kang & Ti. Regum tempore ejus pars ad Çai, alia ad Xin Reges pertinebat. Cina familia Sanchuen, Hana junam dixit, eo quod ad Auſtrum jacet fluminis: Tanga familia Cai cheu, Sunga vocavit Hoaikang, hodiernum nomen Taiminga confirmavit ab Juena impoſitum, quam etiam Rex ex regio ſanguine incoluit. Octo fana heroi-bus dicata numerat, ac quatuordecim regit civitates, 1 Juning, 2 Xangçai, 3 Siping, 4 Sin-